



L'asòsto. In sciò sfòndo se riconósce: a valàdda do Sardorèlla, i fòrti da Valàdda do Ponçeivia, Zemignàn, Bösanæo, o Promontöio de Pòrtofin. In segóndo ciàn o bricco de Roétte.

L'ASÓSTO DI BIGIÆ

di Piero Bordo

Pe primma cösa lasciae che ve digghe cöse sòn e dôve sòn i Bigiæ.

Da'n mόνte da crénna-a prinçipâ de l'Apenin Ligure, o mόνte Pròu Ratâ, ch'o s'atrèuva vixin ai Cén de Prâgia, se destacca 'na cadénn-a de montagne ch'a finisce in mâ a Cornigén. A levânte de tùtti sti mόνti chi, gh'é a Val Porçeivia méntre a ponénte gh'é: in érto i rién che fórman o Vaénn-a (ch'o va in mâ a Pêgi) e in bâsso i rién che fórman o Ciâvâgna (ch'o va in mâ a Séstri).

Mi sòn nasciùo a Bösanæo e da sênpre ò sentíio ciamâ Bigiæ, sênsa distinçión, i mόνti a ponénte, de là di quæ, quând'êa picin, credéivo che ghe foîse a Frânsa. Ànche

da-i ançién ch'ò consultòu pe-e riçêrche (toponomàste-ge) in sciò nómme ch'ò fæto pe l'Istitutò Internaçionâle de Stùddi Liguri, seçiòn de Zêna (IISL), no so-ariêscio a fâme dî quæ sòn i confin di Bigiæ. L'é in scê dôe càrte, ch'àiivo atrovòu ùtili indicaçioin. Inta màppa catastâle do comùn de Zêna gh'é 'na strâdda ch'a se ciàmma "Strada comunale Biggè" che, dòppo e ùrtime càze de Mórta, a se stâcca a scinistra da-a "via Scarpino" e a va vèrso i mόνti con direçiòn ponénte. A segónda càrta a l'é quèlla alegâ a-o libbro do Persòglio ch'a ripòrta o "monte Biggiaro".

L'é coscì ch'ò posciùo segnalâ, inta schêda pe l'IISL, i confin minimi da zòna ciamâ Bigiæ, ch'a pârte da-a quòta 624.4 da "cresta Rocca dei Corvi", che o Persòglio o ciàmma "monte della Salveregina", e a se àrve a bandêta: a levânte scinn-a-o bricco de Roétte (quòta CTR 547.3); vèrso Nòrd scinn-a-e ròcche Turchinn-e, chinândo scinn-a-e Sâise inta valétta do riàn de Carpinèllo; vèrso Sùd a chinn-a scinn-a-o riàn da Çêxa.

Da pôco ò trovòu in sce doî libbri inportànti indicaçioin relatíve a-a vastitàe da zòna ciamâ Bigiæ. Into libbro do Vigliero gh'é scrìto che o teritòio do comùn de Bòrzoio o